



宗菁華: centralman@nextmedia.com

# 中環人語

# 貴價酒賣斷市

### 取

葡萄酒稅，效力立竿見影：中環、金鐘各大酒莊之貴價紅酒即刻唔見晒，剩低者，中下價貨而已。何解？

一句到底：貴價酒抵飲也。此話又從何說起？由歐洲運酒嚟香港，無分貴賤，支支都係咁重，故此運費相若。有得揀，你會運靚酒抑或平酒嚟賣呢？

當然，運費固然增加咗靚酒嘅競爭力，講到尾，都要消費者承受得起至得嘍。講到消費者承受力，則貴價酒賣斷市絕對同取消酒稅有關矣。過去酒稅係從價徵收，雖則稅率劃一，都係酒價之四成，但兩、三千蚊一支酒另加酒稅，則馬上聞人止步矣。同

樣一支酒，唔好講話減價，只要免稅，亦中價貨而已。

反觀下價酒，礙於運費，價錢下調空間始終唔及貴價貨。由是之故，取消酒稅後，比對起嚟下價酒反而較靚酒為貴。

不過班飲家劉伶亦毋須因為靚酒一時缺貨而失落者。好似 DHL 等貨運公司業已使出渾身解數，兼程趕運咁貴價酒應市矣。

### 馮永發義助四叔

### 四

叔李兆基威震亞洲股壇，但係太平洋彼岸之溫哥華就唔係咁靈驗矣。喺嗰度，佢有個叫 International Village 之商場，有成四十萬

呎，真係有雷公咁大，但開業以來，人流稀疏。反觀佢位世姪馮景禧個大仔譚馬士·馮永發則由餅舖、電台、電視以至商場瓣瓣都掂。佢喺烈治文之香港仔中心更加發展成為地標。

有見及此，四叔由是情商世姪幫

譚馬士·馮永發溫哥華之香港仔中心搞得有聲有色，四叔由是情商但幫手搞生自己四十萬呎個場，正路波。



取消酒稅後，中環、金鐘酒莊上等紅酒俾班劉伶飲家搶購一空。但大家唔使擔心，新貨陸續有到，俾些少耐性就得嘍。



## 大陸版有別親疏

胡主席出訪日本，華裔小朋友符祥瀚問佢：「怎樣才能當主席？」胡主席答曰：「不管你長大後會幹什麼，從小都要好好學習，培養自己良好的品德，鍛鍊一個健康的體魄，這樣將來不管幹什麼你都一定能成功。」

日本小朋友松田浩季問佢同一個問題，胡主席就咁樣答法：「我要告訴你，我本人沒有想當主席，是全國人民選了我，讓我當主席。我不應該辜負全國人民的期望。」

同一個問題而答案有別，道理睇怕只有一個：親疏有別也。華裔小朋友，幼承庭訓，點會唔知家吓中國係乜料？故此主席就同個小朋友講耶穌，叫佢俾心機讀書、鍛鍊身體等等。

日本小朋友就唔同啦，主席話佢知自己係人民選出嚟者，年少無知，佢可能又真係信過嚟，因為日本首相確又係選出嚟者，咁中國人選主席有乜稀奇唔？

奇係奇在中國傳媒大都報導主席同符祥瀚對話，而佢同松田浩季點講則完全略過。Well，「人民喉舌」始終有責任幫領導人護短者，俾十三億人民見到主席擊大眼呢細路，唔係幾好者。

Carl Barré



胡主席對點樣至可以做主席呢個問題，俾咗兩個唔同嘅答案，一個「人民喉舌」右也提到，另一個則完整出街。始終係要照顧老細嘅形象者。

### 暖春之旅

科學家研究得知，男性內褲過緊會導致重要部位溫度提升，打擊生育。

胡主席將五天日本行名為「暖春之旅」，退役實架發覺咁樣命名實大有玄機也：眾所周知，三十年來中國大力推行一胎化，計劃生育政府從未放鬆，莫非主席係藉「暖春」向日本友人灌輸生育知識？不過東瀛島國現今有人口下跌之患嘍！

宗菁華